

儀禮約編

丙午冬日樊山署檢

儀禮約編

增祥題

光緒丙午冬仲陟

西學務公所排印

儀禮約編引

儀禮一書事密而文繁句瑣而辭奧雖好古如韓文公猶病其難讀今既不列於學官佔畢之家喜易而憚難宜其皮閣不復觀矣愚竊以爲是書也姬公鉅麗之才周室文章之盛胥於是乎在讀之而深者直見夫文理密察脈絡分明有以得夫制作精微之意而其淺者亦知夫古人宮室之制器皿之用辭令應對之宜升降俯仰揖讓進退之則非徒以其文辭之工而已也而學子乃曰吾讀四子書學孔子安用此煩難者爲則吾嘗試問之四子書中制度

名物夥矣若亦嘗涉其流而探其源乎射何以揖讓而升
降而飲解乎聘何以執圭而享獻而私覲乎祭何以序爵
而序事舉觶而旅酬乎臣必拜下其禮若何父冠子而母
戒女其儀若何擯何以接賓而相何以贊禮也關雎風始
而何以爲樂亂也如是者未易更僕數其根源皆在此書
欲學孔子而可不讀是書乎哉今世志學之士鮮有劉原
父朱韋齋其人者則亦難以全書強之爲掇其十一以資
誦習亦不得已焉耳好古博雅之士不以此自畫而進而
求之則是編雖約或足以爲禮學之嚆矢已乎

康熙己亥清和上浣莘田汪基題於江上之敬堂

例言

儀禮十七篇以目錄注按之實則十五篇耳自冠昏至鄉射皆家禮鄉禮自燕至覲爲邦國禮朝廷禮自喪服至有司徹則喪禮祭禮蓋本子朱子儀禮經傳通解義例也

儀禮一事爲一篇節目自相聯貫刪讀視他經較難茲第擇其資於教授者節鈔之斷鶴續鳧之譏知所不免然嘗一嚮於大庖亦足悅口學者熟此於根柢未必無小補云先儒以儀禮爲本經禮記乃其義疏則錄儀禮宜加詳緣禮記列於五經服習者尙十之三四故冠昏飲射燕聘喪

祭諸篇有別見禮記者茲槩從畧

讀書廣益不惟其事亦資其文故經內訓辭之古雅者多不忍割喪禮今雖畧而不錄喪服傳乃卜子夏所著爲公穀春秋傳之所自出亦多采之

儀禮每篇頭緒煩多讀者不易悉其源委吾友慎齋江氏嘗作敘略以題其要茲取其書附於篇題之下讀經文事目或不知其先後次第者攷之敘略則瞭然慎齋更擬倣杜預春秋釋例條爲儀禮釋例一卷俟其成書當爲補入約編雖多纂節段落正自分明其文少而事顯者第以圈

識界畫不爲另加註脚若文多而事隱者更爲標明事目於上闌以便省覽若鄉射聘禮等篇是也

禮有用異而事同者如二射二饋食諸篇文詳於此則略於彼其或小有不同亦爲考異標註上簡不使渾然無辨凡此皆藉慎齋訂正之功云

儀禮有鄭康成之註賈公彥之疏陸德明之音經義已悉是編音釋皆遵前人間有後先其解參互其說又或約補所節之經文以疏其脈或附贅己意以達其辭無非欲求明顯非敢有所更易至如敘略於經文奧僻字目旣以註

傳記集略
釋文義代之有未盡者并加訓詁學者不至復病其艱深
而輟學焉則幸甚

儀禮篇目

士冠禮第一

士昏禮第二 經闕
錄記

士相見禮第三

鄉飲酒禮第四

鄉射禮第五

燕禮第六 拜下
考附

大射第七

聘禮第八

公食大夫禮第九

覲禮第十

喪服第十一

士喪禮第十二 以下兩
篇闕

既夕第十三

士虞禮第十四 經闕
錄記

特牲饋食禮第十五

少牢饋食禮第十六

有司徹第十七

經闕

儀禮約編卷上

莘田汪 基警齋撰鈔

雲灣江 永慎齋較纂

士冠禮第一

童子任職居士位年二十而冠主人立冠朝服則是仕於諸侯天子之士朝服

皮弁素積古者四民世事士之子恆爲士冠於五禮屬嘉禮

（敍畧）士冠禮。筮日于廟。古廟字門。旣得吉日。主人乃戒

賓。前期三日。擇賓之賢。可使冠子者。筮之吉。復宿之。厥

明夕。爲期于廟門之外。宰告期曰。質明行事。并告期于

賓家。冠之日。夙興。陳器服。爵弁服一。皮弁服一。立端服

主人將冠者之父兄立冠委貌也朝服者十五升布衣而素裳也衣如冠色皮弁以白鹿皮爲弁素積以素爲裳辟蹙其要中衣用布亦十五升其色象焉

宰有司主政教者

爵弁立冕之次色赤而微黑其服纁裳純衣緇

帶韎韐此士與君祭之
服皮弁服素積緇帶素
韍此與君視朔之服立
端即朝服之衣但易其
裳上士立中士黃下士
雜前元後黃也緇帶爵
韍此暮夕於朝之服○
韍以竹爲之如今之冠
箱○筵於東序少北所
謂適子冠於阼也序端
當於阼階○結髮經文
所謂紒也
闕宮中小門

爵弁是祭時服不可服
見君及先生故易之緇
布冠冠而敝之故易立
冠以配立端
束帛十端儷皮兩鹿皮

一爵弁皮弁緇布冠各一匱。反素管主人及兄弟擯者皆

卽位。將冠者衣采衣。結髮。立于房。主人迎賓入廬。揖讓

升堂。卽位。設筵于東序少北。將冠者出房。卽筵坐。賓執

緇布冠加之。有祝辭。乃服立端服。再加皮弁。三加爵弁。

皆有祝辭。三加畢。賓以醴禮冠者。冠者取脯出闔門。見

母。母拜之。復入。賓字之。冠者對。賓出就次。冠者見兄弟。

兄弟拜之。見贊者。拜亦如之。入寢門。見姑姊。如見母。乃

易服。服立冠立端。奠贊于君。及鄉大夫。鄉先生。主人禮

賓以壹獻之禮。酬之以束帛。儷麗皮。賓出拜送。此冠禮

也儀古作難

之正也。又有不醴而醢以酒者。始加。再加。三加。皆有醢。又有殺特豚以醢子者。國俗不同。禮亦異也。若孤子冠。則諸兄爲主。庶子。則冠于房外。一醢以酒。冠者母不在。則使人受脯于西階下。此冠禮之變也。

古者有吉事則樂與賢者勸成之。有凶事則欲與賢者哀戚之。今將冠子。故就告僚友使來觀禮。

吾者親之之辭。子者男子之美稱。

宿者爲正賓。蓋饗之而吉者其餘衆賓戒而不必宿。

士冠禮○戒賓曰。某有子。某將加布于其首。願吾子之教

之也。賓對曰。某不敏。恐不能共

平聲

事。以病吾子。敢辭。

戒警也告

也布謂緇布冠病猶辱也

主人曰。某猶願吾子之終教之也。賓對曰。吾

子重有命。某敢不從。○宿曰。某將加布于某之首。吾子將

莅之。敢宿。賓對曰。某敢不夙興。

宿進也莅臨也

○始加。祝曰。令月

賈疏無酬酢曰醺醺亦
無酬酢而不曰醺者醺
是太古之物質宜無酬
酢酒則本有酬酢故以
無酬酢而名醺也

吉日始加元服。棄爾幼志。順爾成德。壽考惟祺。介爾景福。

元首也既冠爲成德再加曰。吉月令辰。乃申爾服。敬爾威儀。淑慎爾

德。眉壽萬年。永受胡福。胡猶遐也三加曰。以歲之正。以月之

令。咸加爾服。兄弟具在。以成厥德。黃耇無疆。受天之慶。正猶

善醴也辭曰。甘醴惟厚。嘉薦令芳。拜受祭之。以定爾祥。承天

之休。壽考不忘。不忘長有令名○醺。辭曰。旨酒既清。嘉薦亶時。始

加元服。兄弟具來。孝友時格。永乃保之。來叶釐○酌而無酬酢曰醺時是格

至保也再醺曰。旨酒既清。嘉薦伊脯。乃申爾服。禮儀有序。祭

茲嘉爵。受天之祜。湑清也三醺曰。旨酒令芳。籩豆有楚。咸

加爾服。肴升折俎。承天之慶。受福無疆。楚陳列貌肴○字。

辭曰。禮儀既備。令月吉日。昭告爾字。爰字孔嘉。髦士攸宜。

宜之於假。永受保之。曰伯某甫。仲叔季。唯其所當。假與暇同福也。

甫丈夫美稱
○甫或作父

士昏禮第二

士娶妻之禮以昏為期因而名焉必以昏者陽往而陰來日入三商為昏昏於五禮屬嘉禮○商謂

商量是漏刻之名
三商猶云三刻

（敘畧）士昏禮遣使納采。贄用雁。女主人受諸禰。遂問

名曰。敢請女為誰氏。主人以醴禮使者。歸卜諸廟。得吉

按孔子曰霜降逆女冰泮殺止周禮媒氏又言仲春之月令會男女此皆昏禮之大期也漢譙周云太昊制嫁娶儼皮為禮是昏禮所自起

父廟曰禰
納采問名同使故云遂

合納吉納徵請期親迎
爲六禮
笄女之禮猶冠男也使
主婦女賓執其禮

傳弁士禮大夫以上冕
服墨車大夫車士親迎
乘之攝盛也婦車亦如
之有褙謂裳帷也婦車
用以自蔽且以別於男
子之車婦乘以几加景
于衣以禦塵本不當
用而躍等用之謂之攝
盛
食後飲酒謂之醕
婦人十五許嫁笄而醕
之因著纓明有係也

兆。復使使納吉。用雁。乃以玄纁束帛儷皮往納徵。既受
納徵。女子始笄。夫家卜得吉日。乃使使請期。亦用雁。因
告之期。及期。初昏。設同牢器饌。父醯子而命之迎。子承
命往迎。服爵弁。乘墨車。女主人待於廟。揖讓升堂。壻奠
雁再拜降。婦從。父母戒之。不降送。壻御婦車。輪三周。御
者代。既至。壻揖婦以入。設席相對。同牢而食。卒食。乃醕。
三醕用鬯。壻親說。吐活反婦之纓。厥明。婦以棗栗臠脩見
舅姑。舅姑以醴禮之。舅姑入於室。婦以特豚饋。舅姑。卒
食。婦餽餘。舅姑共饗婦以一獻之禮。降自西階。婦降自